


INATSIARTUT INNUTTAASULLU OQARTUSSAAQATAANERAT

Akissutit allattorsimaffiat
quppersagaq

- ilinniartitsisumut



INUUSUTTUT INATSIARTUT
UNGDOMSPARLAMENTET

ISUMMERNISSAMUT SUNGØUSAATIT

Isummernissamat sungiusaammi akissutigineqarsinnaasut assigiinngit-sorpassuupput. Akissutigineqarsinnaasut ilaat ataani nalunaarsorne-qarput.

SINNIISEQARLUNI INNUTTAASUT OQARTUSSAAQATANERAT

"Sinniiseqarluni innuttaasut oqartussaaqataanerat" qanoq isumaqarpa?

"Sinniiseqarneq" qanoq isumaqarpa?

"Sinniiseqarneq" isumaqarpoq alla sinnerlugu iliuuseqarneq. Naalakker-suinermi tamanna atorpeqartarpoq ilaatigut Inatsisartunut ilaasortat innuttaasut sinnerlugit arlaannik aalajangiigaangata.

Taavami "sinniiseqarluni innuttaasut oqartussaaqataanerat" suua?

"Sinniiseqarluni innuttaasut oqartussaaqataanerat" isumaqarpoq innut-taasut immikkuualuttut tamaasa pillugit samminnittariaqanngimmata, kisiannili Inatsisartunut ilaasortat sinniisutut suliassaralugu aalajangiit-tinnatik suliassat iserfigilluassallugit eqqarsarluarlutillu.

Taamaattumik aamma tamanna "toqqaannanngitsumik oqartussaaqa-taanermik" taaneqartarpoq: Innuttaasut toqqaannartumik sunniuteqa-ratik, Inatsisartunut ilaasortat qinikkatik aqputigalugit toqqaannan-ngitsumik sunniuteqartarlutik.

Inatsisartunut ilaasortatut suliassaq pitsaasumik naammassisinnaas-sagaanni suut pisariaqarpat?

Sammisanik assigiinngitsunik paasisaqapallassinnaaneq nassuiaallaq-qinnerlu pingaaruteqarput.

Tamanna isumaqanngilaq taava inaarutaasumik soraarummeersimanis-saq ilinniarnertuulluunniit ilinniarfissuanni ilinniagaqarsimanissaq.

Tamattaq innuttaasut sinniisaat allatuulli innuttaapput innuttaasunit allanit suliakkerneqarsimasut. Inatsisartut innuttaasut katitigaanerani-ersersitsiniartussaapput.

QINERSINEQ

Inatsisartunut qinersinermi qinersisinnaatitaaneq pituttorsimaneqarani pisarpoq, nalinginnaasuvoq, toqqaannartuulluni, nalingiilluni isertortuullunilu. Tamanna qanoq isumaqarpa?

“Pituttorsimaneqannginneq” qanoq isumaqarpa?

Tassa kinaluunniit innuttaasut qanoq qinersinissaannut sunniiniaqqusaanngilaq.

“Nalinginnaasumik” qanoq isumaqarpa?

Innuttaasut tamarmik peqataasinnaasut. Qinersisarnermik aqqisuussinerup eqqunneqarnerani nunat ilaanni arnat qinersisinnaasimanngillat.

“Toqqaannartumik” qanoq isumaqarpa?

Qinersisartup partii qinigassanngortittorluunniit qinerniakkani taasivimmut toqqaannarlugu toqqarsinnaavaa.

“Naligiimmik” qanoq isumaqarpa?

Kikkut tamarmik qinersinerup inerneranut assigiimmik sunniuteqarsinnaapput.

“Isertortumik” qanoq isumaqarpa?

Arlaannaataluunniit nakkutigisinnaanngilaa allat qanoq taasisimanersut. Qinersineq isertortuunngippat innuttaasut naqisimaneqaratik, avatangiisiminnit tatisimaneqaratik nakkutigineqarnatilluunniit ilumut qamangga qinerusutaminnik qinersisinnaanerak akornuserneqartarpoq.

AMERLANERUSSUTEQARTUT AALAJANGIISARNERI

Innuttaasut oqartussaaqataaneranni sooq amerlanerussuteqartut susoqassanersoq aalajangertarpaat?

Naalakkersuineramik suliaqarnermi "ilumoortoq" nassaarineqarsinnaava?

Inatsisartuni apeqqut "eqqorpoq"-mik "eqqunngilaq"-milluunniit qaquti-guinnaq akineqarsinnaasarpog. Amerlanertigut suliassaq assigiinngit-sunit isigineqarsinnaasarpog. Inuillu siumut ilisimariikkatik, pitsaasunik ajortunilluunniit misillittagaqarfisatik imaluunniit namminerminnut allanulluunniit iluaqutaanerusussaq naapertorlugit assigiinngitsorujus-suarnik kissaateqarsinnaasarpog. Taamaattumik innuttaasut oqartus-saaqataanerata aqqani taasisitsineq piukkunnanngilaq aalajangernia-raanni suna "eqqortuunersoq" kikkulluunniit ilumoornersut. Taasisitsi-nikkut taamaallaat takutinneqartarpog amerlanerussuteqartut suna isumaqatigiissutigisinnaasimaneraat imaluunniit amerlanerussuteqar-tut massakkorpiaq suup pitsaaneruneranik isumaqarnerannik.

Taasisitsinerup inernera ikinnerussuteqartunit akuersaarneqarluni akuerineqassappat suut piumasaqaataappat?

Ikinnerussuteqartut suut tamarmik pissusissamisoortumik ingerlasi-manerat nalornissutigisinnaassanngilaat, periarfissaqarsorissallugulu kingusinnerusukkut paasinarsissagaluarpog amerlanerussuteqartut kukkusimasut aalajangiinerup allanngortinnissaanut.

Amerlanerussuteqartut ikinnerussuteqartunut qanoq pissuseqassap-pat, akaareqatigiilluni suleqatigiinneq ingerlaannarsinnaassappat?

Illaruaatiginninneq iluaqutaanngisaannarpog. Kikkut tamarmik ilisi-massavaat aamma nammineq qaqugukkulluunniit ikinnerussuteqaler-sinnaagamik, taamaattumillu taamatut pisoqarnerani nammineq qanoq pineqartariaqarnermissut iliuuseqartariaqarlutik. Inuit ikinnerussute-qartuaannartut ungasinnerusoq isigalugu amerlanerussuteqartut aala-jangiinerinik akuersaannginneruleriartortarpog.

Aalajangiinerit tamanit akuersaarneqarsinnaasut anguniarneqartar-pog. Illit nammineq nalunnginnerpaavat suna eqqornerusoq eqqunngin-nersorluunniit. Taamaattumik sukumiisumik oqallittoqareertorlu amerlanernit upperineqarnerusoq iliuusissatut isumaqatigiissutigine-qartarpog.

INNUTTAASUT OQARTUSSAAQATAANERANNI SULERIAATSIT

Inatsisartuni erseqqissumik aalajangersarneqarsimavoq qaquguk-
kut qanorlu suut iliuserineqassanersut. Sooq?

Paasissutissat:

- *Ataatsimiinnerni tamani oqaluuserisassat siumut aalajangersarneqareersimasut sukumiisullu malinneqartarput*
- *Piffissat oqaaseqarfiusinnaasut aalajangersimasuupput sekundi-
lersuummik malinnaavigineqartartut*
- *Oqallisigineqartut tamarmik (inatsisissatut siunnersuutit, aalajangiiffigisassatut siunnersuutit apeqquteqaallu aallaavigalugu oqallitsitsinerit) naqitanngorlugit pigineqartussaapput kikkunnillu tamaniit takuneqarsinnaassallutik.*

**Inatsisartunut ilaasortat malittarisassaqaqarnerat sooq pingaaruteqar-
pa?**

Malittarisassatigut qularnaarneqassaaq,

- kikkut tamarmik paasissutissanik taakkuningna pissarsillutillu itisi-
liisinaanissaat,
- kikkut tamarmik tusarneqarnissaat, kikkullu tamarmik tusarnaar-
nissaat,
- kikkut tamarmik misigisimassagaat suleriaaseq pissusissamisoor-
simasoq inerneralu akuersaarlugu.

**Sooq pitsaava, malittarisassat peqataammata aalajangiiniartarnerit
sivisuallaarnatillu sivikippallaartannginnissaannut?**

Malittarisassat isumagissavaat,

- sukkavallaamik aalajangiisoqartannginnissaa, eqqorneqartussalli periarfissinneqarnissaat oqariartuutimik Inatsisartunut ilaasortanut apuunnissaannik imaluunniit tusagassiorfiit akerliussutsimillunniit takutitsinerit aqutigalugit oqariartuutimik tusartinnissaanut,
- aalajangiiniarnerit qaqugorsuarmut kinguarsarneqannginnissaat. Taamaalilluni periarfissiisoqarluni illuatungeriit imminnut qanillat-tornissaannut, naaperiartarnissaannut naggataatigullu isumaqati-giinnissaannut.

ATAATSIMIITITALIAT

Sooq Inatsisartuni ataatsimiititaliaqarpa?

Takorloorsuuk Inatsisartut ataatsimiittarfianni oqallisilerlusi.

Tunuleriillusi issiavusi ataatsimiittarfillu ulikkaaqqalluni.

Tamatumunnga taarsiullugu ataatsimiititaliami sulinerup suna iluaqutigaa?

Ataatsimiititaliani inuit ikittuinnaat issiasarput. Nerrivik kaajallallugu oqalliseqatit isaasigut takusinnaallugit oqallittoqarsinnaavoq. Ilaasortat imminnut ilisimanerulersarput, piffissallu ingerlanerani ilisimaneqalersarluni allat qanoq innersut. Taamaalilluni aamma taamatut sulineq naammassisaqarfiunerusinnaasarpoq.

Ataatsimiititaliaqarnikkut qulequttat aalajangersimasut immikkut sammineqarsinnaalersarput. Ilaasortat tamarmik qulequttanik aalajangersimasunik immikkut sammisaqartarput (akuttunngitsunik qulequttat siusinnerusukkut ilisimasaqarfigeriikkat).

Ataatsimiititaliaqarnikkut Inatsisartut nalinginnaasumik periarfissaqarput piffissami ataatsimi suliassat assigiinngitsut ingerlatissallugit. Inatsisartut ataatsimiittarfianni qulequttat ataasiakkaaginnarlugit oqallisigineqarsinnaapput. Ataatsimiititaliani sammisat assigiinngitsut ataatsikkut oqallisigineqarsinnaapput. Taamaaliornikkut kikkut tamarmik piffissamik sipaagaqartarput.

Ataatsimiititaliami ataatsimiinnerit tamanut matoqqasumik ingerlaneqartarmata ataatsimiititaliamut ilaasortat suliaq sukumiinerusumik pullavigalugu siunnersuut isummerfigisinnaavaat.

Qulequtaq sammineqartussa q Inatsisartut ataatsimiittarfianni tamanit oqallisigineqartinnagu Inatsisartunut ilaasortat imminnut ikioqatigiit-tarput. Ilaasortaqaqatit paasitinneqartarput apeqqummi suut pingaaruteqarsinnaanersut apersuisoqarsinnaallunilu. Taamaalilluni kikkut tamarmik sukumiinerusumik sulisinnaapput nalornissuteqannginnerullutillu taasisinnaallutik.

PISSAANERUP AGGUATAARNEQARNERA I

Sooq Inatsisartut Naalackersuisullu immikkoorpat?

Isumaliutigisiuk Inatsisartunut ilaasortaalluni qanoq issanersoq, Naalackersuisunummi - suummitaava assigiingissutaappat?

Inatsisartunut ilaasortaq	Naalackersuisunut ilaasortaq
<ul style="list-style-type: none">• Nunatsinni sumiluunniit najugaqarsinnaavoq ataatsimiittoqaleraangaat aatsaat Nuuliartarluni.• Inatsisiliornerit sukumiisumik suliarissavai malittarisassiorlunilu nunatsinnut tamarmut atuuttussanik.• Inatsisartuni inissisimanini ilaasortanut allanut innuttaasunullu illersussallugu.• Naggataatigut aalajangiisuusaaq Inatsisartuni amerlanerussuteqartut qanoq isumaqarnersut, inuit ataasiakkaat isumaat apeqgutaanani.• Qinersisartuminut akisussaavoq.	<ul style="list-style-type: none">• Nuummi najugaqarpoq.• Sivikitsumik piffissaqarluni tuaviortumillu ajornartorsiu-tinik aalajangersimasunik aaqqiisinnaassallutik.• Innuttaasunut, Naalackersuisunut allanut il.il. inissisimanini illersortassallugu.• Pisuni aalajangersimasuni namminneq inuttullu aalajangiisassalluni akisussaaffigisamik.• Inatsisartunut akisussaavoq.

Inatsisartut Naalackersuisullu assigiingitsorujussuarnik suliassaqarput suleriaaseqarlutillu. Imminnut tapertariipput.

Inatsisartut	Naalackersuisut
<ul style="list-style-type: none">• naapeqqaartartussaapput.• sukkallutillu sukumiipput.• innuttaasut isumaat amerlasuut isiginiarneqassapput.	<ul style="list-style-type: none">• tassaniittuaannarput.• sukkasuumik iliuuseqarsinnaapput.• Inatsisartuni amerlanerussuteqartut piumasaat timitarlerniassavaat.

TUSAGASSIORFIIT

Innuttaasut oqartussaaqataaneranni tusagassiorfiit suna suliassaraat?

Tusagassiorfinit suut naatsorsuutigissavagut?

- Eqqortunik oqaluttuarnissaat.
- Misigissutsit pissusiviusunit immikkoortinneqarnissaat.
- Pissutsinik ajortunik, kukkunernik ajortuliornernillu aamma paasis-sutissiisarnissaat.

Tusagassiorfiit naatsorsuutigisassinnik naammassinnissinnaangitsut qanoq isumaqarfivisigit?

- Ilumoorunneqarsinnaangillat, tusarnaarneqarneq ajorput.
- pisiarineqarneq ajorput.

Tusagassiorfiit sinniissaannit *qinikkatut* ilissi suut naatsorsuutigisagaluarpisigit?

- Sapinngisamik uanga nammineq pillunga amerlanerpaanik oqalut-tuaqarnissaat.
- Eqqunngitsunik siammarterinnginnissaat.

Tusagassiorfiit sinniisaat naatsorsuutigisassinnik naammassinnissinnaangikkaluarpata *qinikkatut* qanoq iliussagaluarpisi?

Akissutigineqarsinnaasut:

- Tusaanngitsuusaarlugit.
- Paasisutissanik tuninaveersaarlugit.

Tusagassiorfiit sinniisaat illuatungaaticut sapinngisamik tutsuiginartuullutillu oqaluttuariniagartik pillugu siumut sukumiisumik paasiniaa-simareerlutillu illuatungaticut sapinngisamik paasisutissanik amerlanerpaamik pissarsiniartussaapput.

Tamanna isumaqarpoq: Piffissami ataatsimi

- qinikkat qanittumik attaveqarfisariaqaraat nutaarsiassaqaartil-lugu tamaticut taakku sukkaasumik paasisarsinnaaniarlugit.
- qinikkanut qanillivallaarniassanngitsoq tusagassiorlut qinikkanit atornerlunneqartutut sunillu tamanik qinikkat kissaatigisaannik siammarterisutut misigisoqaqqunagu.

PISSAANERUP AGGUATAARNEQARNERA II

Naalackersuinermik suliaqarnermi susassaqartut assigiinngitsuunerat sooq pitsaasuuva?

Pissaanerup pingasoqiusanut agguataarsimanerata qanoq isumaqarnera isummersuutigiuk – aammalu sooq tusagassiorfiit ”pissaanillit sisamaattut pingaarutilimmik inissisimasutut oqaatigineqartarnersut”?

Innuttaasut oqartussaaqataaneranni pingaaruteqarpoq arlaannaataluunniit annertuallaamik pissaaneqalinnginnissaa.

Taamaattumik pissaaneq oqartussanut assigiinngitsunut agguataarneqarsimavoq imminnut pinngitsoorsinnaanngitsunik imminnullu nakkutigisunik (pissaanerup agguataarneqarsimanera).

Tusagassiorfiit paasissutissanillu siammarterutit pissaanerit sisamaattut suut tamarmik saqqummiunneqartarnissaat isumagissavaat – taamaaliornikkut innuttaasut nakkutigisinnaaniassammassuk suliffeqarfiit pissusissamittut sulinersut.

Kalaallit Nunaanni pissaanerup agguataarneqarneranut tunngasumik titartaagit.

“Naalagaaffimmi pissaanerit pingasut”			“Naalagaaffimmi pissaanerit sisamaat”
Inatsisartut (inatsisiliortut)	Naalackersuisut (atuutsitsisut)	Eqqartuussiviit (eqqartuussisusaatitaasut)	Tusagassiorfiit paasissutissanillu siammarterutit
malittarisassanik aalajangersaarput	malittarisassanik timitaliisarput	malittarisassat malinnerqarnerinik nakkutiliisut	innuttaasunik pissutsinik akuersaaginannngitsunik pilersitsisarput

NALORSITSAARINEQ

Akissut eqqortoq titaruk

1. Sooq innuttaasut sinniisuminnik Nuummukartitsisarpat?

- Innuttaasut oqartussaaqataaneranni silatunerpaat kisimik aalajangeeqataasinnaammata.
- ✓ Innuttaasut siamasippallaarmata kikkullu tamarmik aalajangiiner-ni tamani peqataasassagaluarpata tamanna piffissamik atuiffiallaassammat.
- Nuummi pitsaanerusumik eqqarsartoqarsinmammat.

2. Kikkut Inatsisartunut qinersisinnaatitaappat?

- Kalaallit Nunaanni inuit tamarmik.
- ✓ Kalaallit Nunaanni innuttaasut danskisut innuttaassusillit 18-ilee-reersimasut tamarmik ukiullu affaa Kalaallit Nunatsinneereersimasut tamarmik
- Kikkut tamarmik meeqqat atuarfiannik naammassinnissimasut.

3. Oqaaseq "oqartussaaqataaneq" qanorpiaq isumaqarpa?

- Innuttaasut aqutsisumit ataatsimit naalakkersorneqarnerat.
- ✓ Innuttaasut oqartussaaqataanerat
- Kunngip kisermaassinera.

4. Kikkut Inatsisartunut qinigassanngortissinnaappat?

- Kalaallit Nunaanni innuttaasut naalakkersuisunikkut suliniaqatigiiffimmut partiimut ilaasortat tamarmik.
- Kikkut tamarmik Ilisimatusarfimmi atuarsimasut sivikinnerpaamillu Kalaallit Nunaannilu qaammatini arfinilinni najugaqarsimasut.
- ✓ Kalaallit Nunaanni innuttaasut danskisut innuttaassusillit 18-inik ukioqalereersimasut, sivikinnerpaamik qaammatini arfinilinni nunat-sinni najugaqarsimasut kiisalu partii akuerisaasoq sinnerlugu, kisermaatut kattusseqateqarluniluunniit qinigassanngortittut tamarmik.

5. Inatsisartunut ilaasortat sumingaanneerpat?

- Nuummit.
- Kalaallit Nunaannit tamarmit.
- Kalaallit Nunaanni illoqarfinit anginernit tallimanit.

6. Ukiut tamaasa Inatsisartunut ilaasortat qanoq akulikitsigisumik sivisutigisumillu naapittarpat?

- Upernaakkut qaammatit marluk missaanni ukiakkullu qaammatit marluk-pingasut missaanni.
- Ullut tamaasa, taamaattorli aasaanerani juullikkunnilu sulingiffeqarnerit ilanngunnagit.
- Ukiumut sapaatit akunnerisa sisamat missaanni.

7. Inatsisartuni ataatsimiinnerit kiap aquttarpai?

- Inatsisartut Siulittaasuata
- Naalakkersuisut Siulittaasuata
- Naalagaaffiup Sinniisaata

8. Periaaseq suna malillugu ilaasortat ataatsimiittarfimmi issiasarpat?

- Illoqarfiit angerlarsimaffigisatik malillugit – najukkaminnut sinniisutut misigisimaneruniassammata.
- Arnaaneq angutaanerluunniit apeqqutaatillugit.
- Naalakkersuisut immikkut, ilaasortat sinneri partiimut sumut ilaasortaaneq apeqqutaatillugu.

9. “Parlament” qanorpiaq isumaqarpa?

- Sumiiffik oqaloqatigiiffiusoq.
- Kakkannerpaat.
- Inatsisiliortut.

10. “Inatsisartut” qanorpiaq isumaqarpa?

- Sumiiffik sivisuumik oqaluttarfik
- Kakkannerpaat.
- Inatsisiliortut.

11. Inatsit sunaana?

- Peqqussut susinnaanitsinnik susinnaanginnitsinnillu aalajanger-saaviusoq.
- Kalaallit Nunaata siunissaanut suup pitsaaneruneranik isuma.
- Peqqussut tamarmik isumaqatigiissutigisaat.

12. Ataatsimiititaliap ilaatigut suut suliassarivai?

- Inatsisissatut siunnersuut tamatumalu kingunerisassai tunngavis-saqarluartumik sukumiisumik oqallisigissallugit.
- Inatsisissatut siunnersuutit taasissutigisassallugit.
- Naalackersuisut kissaataat malissallugit.

13. Ilaasortat ataatsimiittarfimmi naapikkaangamik sumik suliassaqarpat?

- Inatsit tunngaviusoq malillugu ataatsimiititaliaq inassuteqarner-soq nakkutigissallugu.
- Inatsisissatut aalajangiiffigisassatulluunniit siunnersuutit akueralugilluunniit itigartittassallugit.
- Inatsisit nutaat nipituumik atuartassallugit imarisaat innuttaasut tamarmik paasiniassammatigit.

14. Kikkut ataatsimiittarfimmi oqaaseqarsinnaappat?

- Ilaasortat partiit oqaaseqartartuisut toqqarneqarsimasut kisimik.
- Naalackersuisunut ilaasortat kisimik.
- Inatsisartunut Naalackersuisunullu ilaasortat kisimik.

15. Ilaasortat tamarmik isumaqatigiinnissaat piumasaqaataava inatsit akuerineqarsinnaassappat?

- Aap, Inatsisartut ilaasortat tamarmik isumaqatigiissapput.
- Naamik, Inatsisartunut ilaasortanit amerlanerussuteqartunit akuerineqaruni naammappoq.
- Naamik, Inatsisartunut ilaasortat sisamararterutaasa siunnersuut tapersorsorunikku naammappoq.

16. Inatsisit akuerineqarsimasut kikkunnit timitalerneqassappat?

- Naalackersuisunit.
- Ataatsimiititalianit.
- Inatsisartut Siulittaasuannit.

17. Naalackersuisut immikkoortui ataasiakkaat suliassaqarfinnut aalajangersimasunut akisussaasuusut qanoq taaneqartarpat?

- Ataatsimiititaliat.
- Kommunit.
- Naalackersuisoqarfiit.

18. Oqartussat suut “naalagaaffimmi pissaanerit pingajuattut” taaneqartarpat?

- Tusagassiorfiit.
- Eqqartuussiviit.
- Danskit naalackersuisui.

19. Kia kikkut nakkutigai?

- Danskit naalackersuisuisa Naalackersuisut nakkutigaat.
- Inatsisartut Naalackersuisut nakkutigaat.
- Naalackersuisut Inatsisartut nakkutigaat.

20. Naalackersuinermik suliagarnermi tusagassiorfiit qanoq inissisimappat?

- Tusagassiorfiit aqutigalugit qinikkat isummatik aalajangernitillu pillugit innuttaasut ilisimatittarpaat. Naalackersuinermik suliallit saqqummiussaannut tusagassiorfiit apeqqusersuisussaapput naalackersuinikkut ingerlatsineq atuuttoq innuttaasut malinnaaviginnaaniassammassuk.
- Tusagassiorfiit ilaasortat Naalackersuisullu aalajangernerinik ussassaarisussaapput, inatsisit nutaat eqqumaffigineqarneruler-niassammata.
- Tusagassiorfiit suliassaraat innuttaasunit tapersorsorneqarnissaq qularnaarniarlugu innuttaasut nuannarisaannik aalajangiisarnis-saannut naalackersuinermik suliallit ikiussallugit.

21. Tusagassiorfiit sooq aamma “naalagaaffimmi pissaanerit sismaattut” taaneqartarpat?

- ✓ Innuttaasut tusagassiorfiit aqutigalugit naalackersuinikkut ingerlatsineq atuuttoq malinnaavigalugulu nakkutigisinnaammassuk.
- Nukissaqarnerummata pitsaanerpaanillu attaveqarlutik.
- Inatsisartut Naalackersuisullu isumaannik oqariartortartuummata.

22. Inatsit isumaqatiginngikkukku qanoq iliorsinnaavunga?

- Susinnaangilanga. Soriarsinnaangilanga.
- Inatsit malingikkaluarukku ajornaviangilaq.
- ✓ Isummakka nukittorsarniarlugit siuarsarniarlugillu isumaqatinnik suleqatissarsiorsinnaavunga imaluunniit Inatsisartunut ilaasortanut attaveqarsinnaallunga naalackersuinikkut ingerlatsineq atuuttoq sunniuteqarfiginiarlugu.

23. Inatsisartut suliassaar pingaernerit pingasut suuppat?

- i. Partiit isummaminnik saqqummiussivissaqartissallugit, ii. Naalackersuinermik suliallit allaffissaqartissallugit, iii. Tusagassiorfinnut ilanngussassanik soqutiginarunik piareersaasassallutik.
- ✓ i. Inatsisiliortassallutik, ii. Namminersorlutik Oqartussat missingersuutaat aalajangersassallugit, iii. Naalackersuisut nakkutigisallugit.
- i. Inatsisit saqqummiuttassallugit, ii. Inatsisit nakkutigissallugit, iii. Inatsisinik unioqutitsisut pillartassallugit.

24. **Inatsisartut Naalackersuisullu akornanni suliassat pissaanerillu agguataarneqarsimanagerat sooruna taamak pingaaruteqartigisoq?**
- ✓ Suliffeqarfiup ataatsip suut tamaasa aalajangertartuuppagit anni-laangatigineqarsinnaammat innuttaasut soqutigisaannut akerliu-sumik nammineq iluaqutissarsinissaq anguniarlugu aalajangiisogartarsinnaanera, naggaatigut innuttaasut oqartussaaqataanerata atorunnaarneranik kinguneqarsinnaasumik.
 - ☐ Qinikkat taakkulu isumaat tamarmik isiginiarneqartariaqarmata.
 - ☐ Inatsisissatut siunnersuuterpassuit ukiut tamaasa suliarneqartartut pitsaasumik sukumiisumillu suliarneqartarnissaat qularnaarneqartariaqarmat.



!NUUSUTTUT !NATS!SARTU!
UNØDOMSPARLAMENTET